



0084 Армения, Ереван, ул. З. Андраника 1
Тел. 060 38 00 01

0084 Armenia, Z. Andranik st.1, Yerevan
Tel: 060 38 00 01

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ
«ԲԱՐՁՐԱՎՈՒՆ ԷԼԵԿՏՐԱՑԱՆՅԵՐ» ՓԲԸ
ԳԼԽԱՎՈՐ ՏՆՕՐԵՆ

0084, Հայաստան, Երևան, Զ. Անդրանիկի 1,
Հեռ. 060 38 00 01

Էլ. հասցե: hven@hven.am, www.hven.am

No. _____

«29» օգոստոսի 2025թ.

«ԴԱՐՈՆՆ» ՍՊԸ-Ի ՏՆՕՐԵՆ
ՍՈՖՅԱ ԲԱԲԿԵՆԻ ՄԱՆՈՒԿՅԱՆԻՆ
ՀՎՀՀ 01335381

Հասցե՝ ք. Երևան, Լենինգրադյան փ. 31/1, 42 բն.
Հեռ.՝ 077393866

ԾԱՆՈԹՅՈՒՄ

«Բարձրավոլտ էլեկտրացանցեր» փակ բաժնետիրական ընկերության (այսուհետ՝ Ընկերություն) կողմից կազմակերպված «ԲԷՑ-ԷԱՃԱՊՁԲ-25/02» ծածկագրով գնման ընթացակարգի (այսուհետ՝ Ընթացակարգ) շրջանակներում մասնակցության հայտ է ներկայացրել նաև «ԴԱՐՈՆՆ» ՍՊԸ-ն: Մասնակցության հայտի Հավելված 1-ով (ընթացակարգին մասնակցելու դիմում հայտարարություն) «ԴԱՐՈՆՆ» ՍՊԸ-ն հավաստել է, որ իրեն փոխկապակցված անձինք բավարարում են Ընթացակարգի հրավերով սահմանված մասնակցության իրավունքի պահանջներին: Գնահատող հանձնաժողովի կողմից հայտերի գնահատման արդյունքում «ԴԱՐՈՆՆ» ՍՊԸ-ն Ընթացակարգի 3-րդ, 7-րդ, 13-րդ, 14-րդ, 18-րդ, 19-րդ և 21-րդ չափաբաժինների մասով ճանաչվել է ընտրված մասնակից, որից հետո «Բարձրավոլտ էլեկտրացանցեր» փակ բաժնետիրական ընկերության և «ԴԱՐՈՆՆ» ՍՊԸ-ի միջև 2025 թվականի հուլիսի 9-ին կնքվել է ապրանքների մատակարարման ԲԷՑ-ԷԱՃԱՊՁԲ-25/02-6 (այսուհետ՝ Պայմանագիր) ծածկագրով գնման պայմանագիր:

ՀՀ արդարադատության նախարարության կողմից ստացված գրությամբ պարզվել է, որ ՍՈՖՅԱ ՄԱՆՈՒԿՅԱՆ ԲԱԲԿԵՆԻ Ա/Ձ-ն (ՀՎՀՀ 47978845) 2024 թվականի հուլիսի 9-ից մինչև 2026 թվականի հուլիսի 9-ը ներառված է գնումների գործընթացներին մասնակցելու իրավունք չունեցող մասնակիցների ցուցակում: Ինչպես նաև ՍՈՖՅԱ ՄԱՆՈՒԿՅԱՆ ԲԱԲԿԵՆԻ Ա/Ձ-ի և «ԴԱՐՈՆՆ» ՍՊԸ-ի միջև առկա է փոխկապակցվածություն: Սակայն, եթե այդ փոխկապակցվածությունը հայտնի լիներ մինչև պայմանագրի կնքումը, ապա վերջինս չէր կնքվի:

Ելնելով վերոգրյալից և հիմք ընդունելով «Բարձրավոլտ էլեկտրացանցեր» փակ բաժնետիրական ընկերության և «ԴԱՐՈՆՆ» ՍՊԸ-ի միջև 09.07.2025թ-ին կնքված ԲԷՑ-ԷԱՃԱՊՁԲ-25/02-6 գնման պայմանագրի 8.3 կետի պահանջները՝ «Բարձրավոլտ էլեկտրացանցեր» փակ բաժնետիրական ընկերությունը 2025թ-ի օգոստոսի 29-ին միակողմանի լուծել է նշված պայմանագիրը:

Հաշվի առնելով վերոգրյալը՝ տեղեկացնում եմ, որ Պայմանագրի միակողմանի լուծման արդյունքում պայմանագրի կատարման գումարը կազմում է 9850,2 ՀՀ դրամ և որակավորման ապահովման գումարը կազմում է 14775,3 ՀՀ դրամ, որոնք անհրաժեշտ է վճարել Ընկերության «ԱՄԻՕ ԲԱՆԿ» ՓԲԸ-ում բացված **1150001172630300** հաշվեհամարին:

Միևնույն ժամանակ հայտնում եմ, որ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցը ներառվում է գնումների գործընթացներին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

Այս կապակցությամբ տեղեկացնում եմ, որ Ձեր կողմից նշված գումարը մինչև 2025թ-ի սեպտեմբերի 10-ը ներառյալ վճարելու դեպքում «ԴԱՐՈՆՆ» ՍՊԸ-ն չի ներառվի գնումների գործընթացներին մասնակցելու իրավունք չունեցող մասնակիցների ցուցակում: Նշված գումարը վճարելուց հետո վճարված կտրոնի բնօրինակը մինչև 2025թ-ի սեպտեմբերի 10-ը ներառյալ Ձեր կողմից պետք է ներկայացվի «Բարձրավոլտ էլեկտրացանցեր» փակ բաժնետիրական ընկերություն՝ ծրագրերի իրականացման ծառայության գնումների կազմակերպման բաժին:

Միաժամանակ, հիմք ընդունելով Պայմանագրի 8.3 կետը, տեղեկացնում եմ, որ «Բարձրավոլտ էլեկտրացանցեր» փակ բաժնետիրական ընկերությունը այլ ընկերությունից նշված պայմանագրով նախատեսված տեխնիկական բնութագրով և քանակով, ապրանք ձեռք բերելու դեպքում՝ «ԴԱՐՈՆՆ» ՍՊԸ-ն պարտավոր է փոխհատուցել գնային տարբերությունը, եթե պայմանագիրը կնքվի ավելի թանկ գնով, որի վերաբերյալ Ձեզ լրացուցիչ կձանուցվի:

ԳԼԽԱՎՈՐ ՏՆՕՐԵՆ



ԴԱՎԻԹ ՄԻՐԶՈՅԱՆ

Կատարող՝ ծրագրերի իրականացման ծառայության գնումների կազմակերպման

բաժնի գլխավոր մասնագետ Սրբուհի Ներսիսյան, հեռ. 060380040